

дойти указанного места. И многими денми дойде Резанския земли во град Коломно. И начат паки помышляти в себе Евстафей, и рече: „О великий чудотворче Николе! Се есть желаемая тобою земля Резанская и много труд подъях тебе ради: камо еще имам ити со иконою твоею и что обрести и где изволиши себе поставити, и мене к кому страннаго вселиши и пещися о мне с женою и с чады повелиши“. Великий же чудотворец Николае явися благоверному князю Феодору Юрьвичю Резанскому<sup>а</sup> в видении соннем, поведая приход свой чудотворнаго образа Корсунскаго: „Хощу бо, рече, zde быти, и чудеса творити, и место сие прославити, отечество, и землю вашу яко же богу изволившу. Да молю о тебе всемилостиваго Спаса, да дарует ти венец царства небеснаго, и жене твоей, и сынови твоему“. Благоверный же князь Феодор Юрьевич Резанский возбнув от сна своего и утрашися от таковаго видения, удивляяся необычнаго явления себе, и не поведа никому же страшнаго видения преславнаго. И начат молитися богу в сокровеннем месте дому своего, и святому чудотворцу Николе, глаголя: „О великий угодниче Христов святителю Николае! Недоумею аз грешный о показаннем мне тобою видение о иконе твоей: истинна ли суть или лжа. И кому сие повем, или како обрящу явленное мне тобою, и како ми ся обеща, яко умолиши о мне милостиваго бога человеколюбца, да сподобил мя венца царства небеснаго и жене моей и сынови моему: аз бо есмь еще ни браку сочетался, ни сына имею“. И в той час придоша раби его, поведающе приход оного христоролюбца Евстафия с чудотворною иконою святаго Николы.<sup>б</sup> Благоверный же князь Феодор Юрьевич, собрав священный собор и весь народ, изыде из града и встрети чудотворную икону святаго Николы чудотворца. И виде издалеча от чудотворнаго образа, яко свет неизреченный блистаяся. Князь же Феодор пришед к чудотворному образу сокрушенным сердцем, испущаше слезы, яко струя, и прелюбезно обლობызаше чудотворный образ его. И принесе его во область свою, и посла вестъ в Муром ко отцу своему ко князю Юрью Ингоревичю Резанскому, поведая ему приход чудотворнаго образа святаго Николы от Корсуня града. Великий же князь Юрий, слышав о сем, прослави бога и рече: „О владыко, что ти воздамы противу твоему благодарованию, еже нам даровал еси образ угодника своего святаго чудотворца Николы на заступление от поганых и на исцеление недужным. И удивляюся твоему человеколюбному милосердию, яко посетил люди своя и не забы дела руку свою. Но убо, пресвятый Николае, молися Христу богу нашему, яко спасти ся земли нашей от поганых невоеванне“. И взя епископа с собою из Мурома Евфросина, и вскоре прииде к сыну своему князю Феодору. И слыша о преславных чудесех, бывающих от чудотворнаго образа, великая и не изреченная чудеса, и радости духовныя исполнився. И вскоре созда храм во имя великаго чудотворца святителя Христова Николы Корсун-

<sup>а</sup> Вытерто: в Коломне.

<sup>б</sup> Здесь на поле выноска, не ясно куда относящаяся: на месте стояща, иде же...